

ACTA DA SESIÓN CONSTITUTIVA DA CORPORACIÓN MUNICIPAL, CELEBRADA O 13 DE XUÑO DE 2015

No Salón de Plenos da Casa do Concello de Monforte de Lemos, o día trece de xuño de dous mil quince, ás once horas, **comparecen** os/as candidatos/as ás eleccións locais de 2015 pola circunscripción municipal de Monforte de Lemos, que foron proclamados/as **electos/as** pola Xunta Electoral de Zona.

Constan no expediente da sesión:

- As credenciais expedidas pola Presidenta da Xunta Electoral de Zona de Monforte de Lemos.
- As declaracíons de actividades e de bens, formuladas de acordo co art 75.7 da Lei 7/1985, reguladora das bases do réxime local.

Figuran os/as comparecentes na acta de proclamación da seguinte forma:

- (1) JOSÉ TOMÉ ROCA (PSdeG-PSOE)
- (2) GLORIA MARÍA PRADA RODRÍGUEZ (PSdeG-PSOE)
- (3) IBAN TORRES RODRÍGUEZ (PSdeG-PSOE)
- (4) MARÍA DEL PILAR ESPINOSA NOVELLE (PSdeG-PSOE)
- (5) JOSÉ LUIS LOSADA FERNÁNDEZ (PSdeG-PSOE)
- (6) MARINA MARÍA DOUTON RAJO (PSdeG-PSOE)
- (1) MARÍA JULIA RODRÍGUEZ BARREIRA (PP)
- (2) EMILIO IVÁN VÁZQUEZ RODRÍGUEZ (PP)
- (3) MARÍA PURIFICACIÓN ARGIZ QUINTAS (PP)
- (4) FRANCISCO JOSÉ CELA RODRÍGUEZ (PP)
- (5) MANUEL JESÚS LÓPEZ SÁNCHEZ (PP)
- (1) MARÍA ISABEL GARCÍA DÍAZ (espertamonforte !)
- (1) MARÍA DEL PILAR LÓPEZ MARTÍNEZ (B.N.G.)
- (2) M^a ALICIA INMACULADA CADARSO PALAU (B.N.G.)
- (3) MARÍA JOSÉ VEGA BUJÁN (B.N.G.)
- (4) EMILIO JOSÉ SÁNCHEZ IGLESIAS (B.N.G.)
- (5) VÍCTOR LÓPEZ MATEO (B.N.G.)

Asisten tamén o **Secretario** da Corporación municipal, D.José María Baños Campo, que dá fe do acto, a **Interventora**, D^a M^a Fe González Marquina, e a **Tesoureira**, Dna. María Teresa Diz Alonso.

O obxecto da sesión é proceder á constitución da Corporación municipal e á elección de Alcalde, de conformidade co disposto nos artigos 195 e 196 da Lei Orgánica 5/1985, do réxime electoral xeral (LOREX), e no artigo 37 do Regulamento de Organización, Funcionamento e Réxime Xurídico das Entidades Locais (ROF), seguindo a orde do día da convocatoria efectuada para ese efecto.

1º.- CONSTITUCIÓN DA CORPORACIÓN MUNICIPAL XURDIDA DAS ELECCIÓNNS CELEBRADAS O 24 DE MAIO DE 2015.

Procédese en primeiro lugar a constituir a Mesa de Idade, que queda integrada por Dna. M^a Alicia Inmaculada Cadarso Palau e D. Víctor López Mateo, de maior e menor idade respectivamente dos electos/as, presidindo a primeira dos citados e actuando de Secretario quen o é da Corporación.

A efectos de toma de posesión como Concelleiro ou Concelleira, os/as proclamados/as electos/as deben prestar xuramento ou promesa segundo a fórmula prevista no Real Decreto 707/1979, que para este acto concrétese da seguinte forma:

"Xuro/prometo pola miña conciencia e honra cumplir fielmente as obrigas do cargo de Concelleiro/Concelleira do Concello de Monforte de Lemos, con lealdade ao Rei, e gardar e facer gardar a Constitución como norma fundamental do Estado".

Así o fixeron os integrantes da Mesa de Idade previamente a constituíla, e despois os demás electos/as, que foron chamados seguindo a lista pola que se presentaron, en orde de máis a menos votada, pasando a ocupar tras iso o asento correspondente.

O xuramento ou promesa foi efectuado por todos/as, sen prexuízo dalgunha omisión, engadido ou modificación respecto á fórmula regulamentaria. Así pois, todos/as **adquieren a condición de Concelleiro/Concelleira** do Concello de Monforte de Lemos, figurando a continuación segundo a lista pola que se presentaron e a orde de colocación nela:

PSdG-PSOE

D. José Tomé Roca

Dna. Gloria M^a Prada Rodríguez

D. Iban Torres Rodríguez

Dna. M^a Pilar Espinosa Novelle

D. José Luis Losada Fernández

Dna. Marina María Douton Rajo

BNG

Dna. M^a Pilar López Martínez

Dna. M^a Alicia I. Cadarso Palau

Dna.M^a José Vega Buján

D.Emilio José Sánchez Iglesias

D. Víctor López Mateo

PP

Dna. M^a Julia Rodríguez Barreira

D. Emilio Iván Vázquez Rodríguez

Dna.M^a Purificación Argiz Quintas

D.Francisco José Cela Rodríguez

D.Manuel Jesús López Sánchez

Esperta Monforte

Dna. M^a Isabel García Díaz

Pola Sra. Presidenta declarase **constituída a Corporación municipal** xurdida das eleccións celebradas o 24 de maio de 2015.

Faise constar polo Sr.Secretario que de acordo co art.36.2 do ROF está a disposición dos Sres./as. Concelleiros/as a documentación referente ao arqueo de fondos cos xustificantes das existencias en metálico e valores, así como a relativa ao inventario de bens municipais.

Procede pasar ao punto segundo da orde do día.

2º.- ELECCIÓN DE ALCALDE/ALCALDESA.

A elección desenvólvese segundo o previsto no art. 196 da LOREX. Son electores/as todos/as Concelleiros/as e elixibles quen encabezan as listas das respectivas candidaturas.

A votación faise polo sistema ordinario de man alzada e ten o seguinte resultado:

- D.José Tomé Roca.....11 votos.
- Dna.Mª Pilar López Martínez.....0 votos.
- Dna.Mª Julia Rodríguez Barreira..... 5 votos.
- Dna.Mª Isabel García Díaz.....0 votos.
- Unha abstención.

Tendo obtido a maioría absoluta dos votos, é **proclamado Alcalde** electo do Concello de Monforte de Lemos **D.José Tomé Roca**, que é chamado, para tomar posesión do cargo, a prestar xuramento ou promesa segundo a fórmula prevista no Real Decreto 707/1979, que se concreta da seguinte forma:

“Xuro/prometo pola miña conciencia e honra cumplir fielmente as obrigas do cargo de Alcalde do Concello de Monforte de Lemos, con lealdade ao Rei, e gardar e facer gardar a Constitución como norma fundamental do Estado”.

Así o fai D.José Tomé Roca, e despois de recibir o bastón de mando do anterior Alcalde, D.Severino Rodríguez Díaz, presente entre o público, pasa a ocupar a presidencia da sesión como Alcalde de Monforte de Lemos e Presidente do Pleno municipal.

Procede a continuación o Sr.Alcalde a dirixir á Corporación municipal e aos presentes no acto, as seguintes palabras:

“Bos días. Sras. e Sres. Concelleiros. Sr. Secretario do Concello. Sra. Interventora municipal. Sra. Tesoureira municipal. Sr. Alcalde saínte. Sras. e Sres. do público que nos acompaña neste acto, moitas grazas a todos.

Neste día tan especial para min e para a miña familia, a verdade e que é unha honra sentirse arroupado deste xeito, así que, grazas a todos e a todas.

Permítanme que felicite tamén, a todos e todas os membros da Corporación pola honra que supón representar ós veciños e veciñas do Concello de Monforte.

Lóxicamente, hoxe é un día de agradecementos:

- En primeiro lugar, quero dar as grazas ós monfortinos que me deron o apoio maioritario mediante o seu voto o pasado día 24 de maio.
- En segundo lugar, quero agradecer o voto que me acaban de dar os Concelleiros do Partido Socialista e do BNG, que permitiron a miña elección como Alcalde de Monforte de Lemos.

Hoxe é un día histórico, porque é a primeira vez que Monforte ten un Alcalde Socialista como resultado dunhas eleccións municipais, dende as primeiras eleccións democráticas do ano 1979, que foi o ano das primeiras eleccións municipais, e por iso, para toda a familia socialista de corazón, hoxe é un día importante.

Sei ben, que asumo unha gran responsabilidade, e que a partir de hoxe mesmo hai que traballar moi duro para encauzar e tratar de dar solución ós problemas que ten diante de si o Concello de Monforte.

Seguro que non vai ser fácil porque senón xa estaría feito, pero estou convencido de que podemos logralo, e dende logo, por traballo e por esforzo non vai quedar.

Neste empeño, que debe ser colectivo, espero contar co apoio dende a crítica leal e construtiva, de toda a Corporación, para arranxar os problemas e sacar adiante a Monforte.

Chegado este momento, se me permiten vostedes, hoxe que é o día de San Antonio, quero ter unhas palabras de recordo para o meu Pai, que tamén se chamaba Antonio, e que faleceu e foi enterrado, xusto o día das eleccións municipais de fai 8 anos, concretamente o 27 de maio de 2007, e por iso hoxe, faíme especial ilusión a presenza de miña Nai neste acto. Grazas Mamá por estar aquí.

Dende onde se encontre o Papá Antonio, sei que me axudou a lograr todo isto, por iso, e na súa memoria, unha vez que remate este Pleno, acudirei a Misa do Patrón deste barrio de San Antonio.

Quero agradecer tamén a miña familia, a miña muller e os meus fillos, a paciencia que tiveron comigo e pedirles que me desculpen polo tempo que lles roubei, para dedicalo a traballar por Monforte.

Hoxe no comezo do meu mandato como Alcalde, quero transmitir a todos e a todas, unha mensaxe de ilusión e de esperanza no futuro do noso Concello

Solo me preocupa unha causa, que é estar á altura política que merece Monforte.

Espero que dentro de 4 anos, os monfortinos poidan dicir, que mereceu a pena apoiar a José Tomé Roca e o seu equipo.

Isto significaría, que o Concello de Monforte estaría en mellor situación, porque iso sería bo para todos.

Hoxe, é un bo día para min, para a miña familia e para o Partido Socialista, pero sobre todo, espero que sexa un bo día para Monforte.

Moitas grazas.”

Non habendo máis asuntos a tratar, o Sr. Alcalde-Presidente levanta a sesión sendo as once horas e vinte e un minutos do expresado día, de todo o cal eu, Secretario, certifico.

Vº e pr.
O Alcalde,

José Tomé Roca

